



## **TOSHKENT DAVLAT YURIDIK UNIVERSITETI REKTORINING B U Y R U G ' I**

2020-yil « 11 » sentabr

07-19-son

### **Тошкент давлат юридик университети Илмий-услубий кенгаши фаолиятини янада такомиллаштириш чора-тадбирлари тўғрисида**

Ўзбекистон Республикаси Президентининг 2020 йил 29 апрелдаги “Ўзбекистон Республикасида юридик таълим ва фанни тубдан такомиллаштириш бўйича қўшимча чора-тадбирлар тўғрисида”ги ПФ–5987-сон Фармонида белгиланган вазифалар ижросини таъминлаш мақсадида

### **Б У Ю Р А М А Н:**

1. Тошкент давлат юридик университети Илмий-услубий кенгаши тўғрисидаги низомнинг янги таҳрири 1-иловага мувофиқ тасдиқлансин.

2. Тошкент давлат юридик университети Илмий-услубий кенгаши таркиби 2-иловага мувофиқ тасдиқлансин.

3. Қуйидагилар:

Университет ректорининг 2018 йил 17 июлдаги “Тошкент давлат юридик университети Илмий-услубий кенгаши фаолиятини такомиллаштириш чора-тадбирлари тўғрисида”ги 07-14-сон;

Университет ректорининг 2020 йил 22 апрелдаги “Тошкент давлат юридик университети Илмий-услубий кенгашининг таркибини тасдиқлаш тўғрисида”ги 07-08-сон буйруқлари ўз кучини йўқотган деб ҳисоблансин.

4. Илмий-услубий кенгаш раиси Н.Салаев кенгаш ваколоти доирасидаги масалаларни ўз вақтида ва сифатли кўрилишини таъминласин.

5. Мазкур буйруқ ижросининг назорати проректор Н.Салаев зиммасига юклансин.

**Ректор**



**Р. Ҳакимов**

**Лойиҳа киритди:**  
Илмий бошқарма бошлиғи

И.Эргашев

**Келишилди:**

Проректор

Н.Салаев

Катта юрисконсульт

Э.Хосилов

**Тошкент давлат юридик университети**  
**Илмий-услубий кенгаши тўғрисида**  
**НИЗОМ**

Мазкур Низом 2019 йил 8 октябрдаги “Ўзбекистон Республикаси Олий таълим тизимини 2030 йилгача ривожлантириш концепциясини тасдиқлаш тўғрисида”ги ПФ–5847-сон, Ўзбекистон Республикаси Президентининг 2020 йил 29 апрелдаги “Ўзбекистон Республикасида Юридик таълим ва фанни тубдан такомиллаштириш бўйича қўшимча чора-тадбирлар тўғрисида”ги ПФ–5987-сон ҳамда 2018 йил 5 июндаги “Олий таълим муассасаларида таълим сифатини ошириш ва уларнинг мамлакатда амалга оширилаётган кенг қамровли ислохотларда фаол иштирокини таъминлаш бўйича қўшимча чора-тадбирлар тўғрисида”ги ПК–3775-сон қарорларида белгиланган вазифалардан келиб чиқиб Тошкент давлат юридик университетида (кейинги ўринларда ТДЮУ деб юритилади) Илмий-услубий кенгашнинг (кейинги ўринларда Кенгаш деб юритилади) мақсад ва вазифалари, ҳуқуқ ва мажбуриятлари ҳамда унинг фаолиятини ташкил этиш тартибини белгилайди.

**I боб. Умумий қоидалар**

1. Кенгаш ТДЮУда юридик фанлар ривожланишини таъминлаш талабларидан келиб чиққан ҳолда устувор, истиқболли ва илғор илмий йўналишлар бўйича тадқиқотларни белгилаш, таълим жараёнини илмий материаллар билан таъминлашни амалга ошириш, илмий-инновацион ишланмаларни тижоратлаштириш, университет профессор-ўқитувчилари, докторантлари, мустақил изланувчилари ва талабаларининг илмий тадқиқот фаолиятини мувофиқлаштирувчи коллегиял орган ҳисобланади.

2. Кенгаш ўз фаолиятида Ўзбекистон Республикасининг Конституцияси, Ўзбекистон Республикасининг қонунлари, Ўзбекистон Республикаси Олий Мажлиси палаталарининг қарорлари, Ўзбекистон Республикаси Президентининг фармонлари, қарорлари ва фармойишлари, Ўзбекистон Республикаси Вазирлар Маҳкамасининг қарорлари ва фармойишлари, Ўзбекистон Республикаси Адлия вазирлиги, Инновацион ривожланиш вазирлиги ва Олий ва ўрта махсус таълим вазирлигининг Ҳайъат қарорлари ва буйруқларига, Ўзбекистон Республикаси Вазирлар Маҳкамаси ҳузуридаги Олий аттестация комиссиясининг қарорлари ва буйруқлари ҳамда ТДЮУ Устави ва

Кенгаши қарорлари, ТДЮУ ректорининг буйруқлари ва мазкур Низомга амал қилади.

3. Кенгаш таркиби Илмий ишлар ва инновациялар бўйича проректор тавсиясига кўра ректорнинг буйруғи билан тасдиқланади. Кенгаш таркибига Илмий ишлар ва инновациялар бўйича проректор (раис), раис ўринбосари, котиб, таркибий бўлинмалар раҳбарлари ва юқори илмий салоҳиятга эга профессор-ўқитувчилар киради.

4. Кенгаш фаолиятини ташкил этишга доир ҳужжатларни юритиш учун Кенгаш аъзоларидан бири Кенгаш котиби этиб тайинланади.

5. Кенгаш аъзолари унинг ишида жамоатчилик асосида иштирок этадилар.

## **II боб. Кенгашнинг асосий вазифалари ва ваколатлари**

6. Кенгаш қуйидаги вазифаларни бажаради:

университет илмий фаолиятини ривожлантириш концепциясини ишлаб чиқиш ва уни тасдиқлаш учун университет кенгашига киритиш;

давлат қурилиши ва бошқаруви, суд-ҳуқуқ тизимини модернизация қилиш, бозор ислохотларини чуқурлаштиришнинг ҳуқуқий асосларини ривожлантиришнинг долзарб ҳуқуқий муаммолари бўйича комплекс илмий тадқиқотлар ўтказиш, ушбу соҳадаги халқаро тажрибани ўрганиш, ҳуқуқни қўллаш амалиётига, ўқув жараёнига илмий ишланмалар натижаларини самарали жорий этишни таъминлаш бўйича тавсиялар ишлаб чиқиш;

илмий-инновацион ишланмаларни шакллантириб бориш ва уларни илмий ва ўқув фаолиятга татбиқ қилишга кўмаклашиш;

илмий-тадқиқот фаолиятида ривожланган давлатлар олий таълим ва илмий тадқиқот муассасаларининг илмий фаолиятидаги тажрибасини ўрганиш ва жорий этиш юзасидан тавсиялар ишлаб чиқиш;

университетни халқаро эътироф этилган ташкилотлар (Quacquarelli Symonds World University Rankings, Times Higher Education ёки Academic Ranking of World Universities) рейтингининг биринчи 1 000 та ўриндаги олий таълим муассасалари рўйхатига киритиш юзасидан амалга оширилаётган ишлар юзасидан ахборотларни эшитиб бориш ҳамда университетни мазкур рейтингларга киришини жадаллаштириш юзасидан тавсиялар бериб бориш;

халқаро илмий-техник маълумотлар базаларига кирган журналларда университет профессор-ўқитувчилари томонидан илмий мақолалар чоп этилишини рағбатлантириш бўйича киритилган таклифлар юзасидан ахборотларни эшитиш;

университет профессор-ўқитувчилари, илмий изланувчилари, докторантларининг яқка муаллифликда, шунингдек бакалаврият ва

магистратура талабаларининг университет профессор-ўқитувчилари билан ҳаммуаллифликда юқори импакт-факторга эга ҳамда нуфузли илмий-техник маълумотлар базаларига кирувчи халқаро илмий журналларда мақолалар чоп этиши, мақолаларга иқтибослик кўрсаткичлари ошиши, шунингдек университет илмий журналларини халқаро илмий-техник маълумотлар базаларига босқичма-босқич киритилиши юзасидан амалга оширилаётган ишлар юзасидан ахборотларни эшитиш;

университетнинг илмий ва интеллектуал салоҳиятидан самарали фойдаланишни таъминлаш мақсадида илмий мактабларни шакллантириш, уларнинг барқарор ривожланиши учун зарурий шароитни яратиш бўйича концептуал таклиф ва тавсияларни тайёрлаш;

илмий тадқиқот ишларини бажариш сифати устидан назоратни амалга ошириш, режалаштириш бўйича янги ва замонавий методологик асослари юзасидан таклифлар ишлаб чиқиш;

университетда амалга оширилаётган илмий тадқиқотларнинг натижаларини таҳлил қилиш, шунингдек университет таркибий бўлинмаларининг илмий ва инновация фаолияти натижаларини кўриб чиқиш ва уни такомиллаштириш бўйича тавсиялар бериш;

илмий ва бошқа адабиётлар, шу жумладан хорижий адабиётлар фондиди мунтазам янгилаб бориш юзасидан тавсиялар бериш;

профессор-ўқитувчилар, докторантлар, мустақил изланувчилар ва талабалар томонидан монографиялар, рисоалар, илмий мақолалар ва бошқа адабиётлар чоп этилишини мувофиқлаштириш.

7. Кенгаш ўз вазифаларини амалга оширишда қуйидаги ваколатларга эга:

ўз фаолиятига оид иш режасини тасдиқлайди;

университет илмий фаолиятининг устувор йўналишлари бўйича муҳокамалар ташкил қилади;

кафедралар илмий-тадқиқот иш режалари бажарилиши ҳолатини муҳокама қилади;

юқори тижорат салоҳиятига эга ва амалга оширишга тайёр бўлган, ўзлаштириш учун истиқболли лойиҳалар бўйича тавсия беради;

университетнинг илмий-инновацион ишланмаларни тижоратлаштириш борасида амалга оширилган ишлар бўйича ахборотларни эшитади;

монография, рисоалар, ахборот-таҳлилий материаллар, илмий шарҳлар ҳамда конференциялар, илмий семинарлар ва давра суҳбатлари тўпламларини экспертизадан ўтказди ва чоп этилишига тавсия этади;

профессор-ўқитувчилар, докторантлар ва мустақил изланувчиларнинг халқаро илмий-техник маълумотлар базасидан фойдаланишини ва илмий

тадқиқот натижаларини халқаро миқёсда кенг нашр этиш ишларини мониторинг қилади;

университет таркибий бўлинмаларининг илмий йўналишдаги ўзаро ҳамкорлигини таҳлил қилади ҳамда университет илмий фаолиятини бошқаришни такомиллаштириш бўйича тавсиялар ишлаб чиқади;

докторантлар, мустақил изланувчиларнинг докторлик диссертациялари мавзуларини кўриб чиқади ва тасдиқлаш учун университет кенгашига киритади;

доцент ва профессор илмий унвонларига талабгорларни Ўзбекистон Республикаси Вазирлар Маҳкамаси ҳузуридаги Олий аттестация комиссияси томонидан белгиланган талабларга мувофиқлигини ўрганади ҳамда уларни университет кенгашига тавсия этади;

докторантлар, мустақил изланувчиларнинг докторлик диссертацияларини тайёрлашнинг якка тартибдаги шахсий иш режаларини, мутахассислик бўйича назарий-методологик курснинг ўқув режасини ҳамда тегишли фанлар бўйича малака ўқув дастурларини, докторантурага кириш имтиҳон саволларини, малакавий имтиҳон дастурларини, малакавий имтиҳон саволларини экспертизадан ўтказди ва тасдиқлаш учун университет кенгашига киритади;

докторантлар ва мустақил изланувчиларнинг якка тартибдаги шахсий иш режалари бажарилиши ҳақидаги ҳисоботларини эшитади;

“Энг яхши докторант ва мустақил изланувчи”, “Энг яхши монография муаллифи”, “Энг яхши ахборот таҳлилий-материал муаллифи”, “Энг яхши рисола муаллифи”, “Энг яхши мақола муаллифи”, “Энг яхши илмий тўғарак”, танловини ташкил қилади;

илмий тадқиқот фаолияти натижаларини амалиётга жорий этган ва юқори самараларга эришган (тижорийлаштирган) профессор-ўқитувчилар, докторантлар ва мустақил изланувчиларни моддий ва маънавий рағбатлантириш бўйича университет ректорига тавсия киритади.

Кенгаш қонун ҳужжатларида белгиланган бошқа вазифаларни ҳам бажариши мумкин.

### **III боб. Кенгаш ишини ташкил қилиш**

8. Кенгашнинг иш режаси ўқув йили учун тузилади ҳамда Кенгаш томонидан тасдиқланади.

9. Кенгаш иш режаси бажарилиши устидан умумий назорат Кенгаш раиси томонидан амалга оширилади.

10. Кенгаш иш режасини бажарилиши бўйича маълумотлар Кенгаш котиби томонидан умумлаштирилиб борилади.

11. Кенгаш иш режасига мувофиқ кенгаш мажлиси кун тартибига киритилиши лозим бўлган масалалар юзасидан барча зарур материаллар тақдим этилгач, Кенгаш котиби мажлис кун тартиби лойиҳасини тузади ва тасдиқлаш учун Кенгаш раисига тақдим этади.

12. Кенгаш мажлиси ўтказиладиган кун, вақт ва жой, шунингдек кун тартиби Кенгаш раиси томонидан тасдиқланади.

13. Кенгаш мажлиси кун тартиби Кенгаш мажлисидан уч кун олдин аъзоларга ва Кенгаш раисининг топшириғига мувофиқ бошқа шахсларга етказилиши лозим.

14. Кенгаш мажлислари заруриятга қараб ўтказилади. Кенгаш мажлисларида муҳокама қилинадиган масалалар юзасидан, Кенгаш аъзоси бўлмаган университет проректорлари, таркибий бўлинма раҳбарлари ҳамда бошқа давлат ва нодавлат ташкилотлар, шу жумладан олий таълим муассасаларининг малакали мутахассислари ҳам таклиф қилиниши мумкин.

Кенгаш фаолиятига белгиланган тартибда ҳамкор хорижий ташкилотларнинг, хусусан олий таълим ва илмий тадқиқот муассасаларининг етакчи олимлари ва малакали мутахассислари таклиф этилиши мумкин.

15. Кенгаш мажлисига Илмий ишлар ва инновациялар бўйича проректор раислик қилади. Кенгаш раиси йўқлигида унинг вазифасини Кенгаш раиси ўринбосари амалга оширади.

16. Кенгаш мажлисида аъзоларининг камида ярми иштирок этган тақдирда ваколатли ҳисобланади.

17. Кенгаш мажлисида кўриб чиқилган масалалар бўйича оддий кўпчилик овоз билан қарорлар қабул қилинади.

18. Кенгаш мажлисида Кенгаш котиби томонидан баённома юритилади. Кенгаш мажлисида муҳокама қилинган барча масалалар, билдирилган таклиф ва мулоҳазалар Кенгаш мажлиси баённомасига киритилиши лозим.

19. Кенгаш мажлиси баённомаси беш иш кун ичида Кенгаш раиси ва котиби томонидан имзоланиши лозим.

20. Кенгаш аъзолари ва юқори илмий салоҳиятга эга бўлган профессор-ўқитувчилар, ёш олимлар ва иқтидорли талабалар таркибидан долзарб илмий-услубий вазифаларни ҳал этиш борасида таклиф ва тавсиялар ишлаб чиқадиغان ишчи ва эксперт гуруҳлар ташкил этилиши мумкин.

**Тошкент давлат юридик университети**  
**Илмий-услубий кенгаши таркиби**

- |     |               |   |                                                                                                                        |
|-----|---------------|---|------------------------------------------------------------------------------------------------------------------------|
| 1.  | Н.Салаев      | – | Илмий ишлар ва инновациялар бўйича проректор, кенгаш раиси                                                             |
| 2.  | И.Эргашев     | – | Илмий бошқарма бошлиғи, юридик фанлари бўйича фалсафа доктори (PhD), кенгаш раиси ўринбосари                           |
| 3.  | Б.Умаров      | – | Бизнес ҳуқуқи кафедраси катта ўқитувчиси, кенгаш котиби                                                                |
| 4.  | Ш.Сайдуллаев  | – | Оммавий ҳуқуқ факультети декани, юридик фанлари номзоди                                                                |
| 5.  | У.Тухташева   | – | Жиноий одил судлов факультети декани, юридик фанлар доктори                                                            |
| 6.  | Б.Ходжаев     | – | Хусусий ҳуқуқ факультети декани, юридик фанлари номзоди                                                                |
| 7.  | Д.Умарханова  | – | Халқаро ҳуқуқ ва қиёсий ҳуқуқшунослик факультети декани, юридик фанлар доктори                                         |
| 8.  | А.Бабаджанов  | – | Магистратура бўлими бошлиғи, юридик фанлари бўйича фалсафа доктори (PhD)                                               |
| 9.  | Б.Мусаев      | – | Конституциявий ҳуқуқ кафедраси мудири, юридик фанлари бўйича фалсафа доктори (PhD)                                     |
| 10. | С.Юсупов      | – | Маъмурий ва молия ҳуқуқи кафедраси мудири, юридик фанлари бўйича фалсафа доктори (PhD)                                 |
| 11. | С.Муратаев    | – | Давлат ва ҳуқуқ назарияси ва тарихи кафедраси мудири, юридик фанлар номзоди                                            |
| 12. | Н.Имомов      | – | Фуқаролик ҳуқуқи кафедраси мудири, юридик фанлар доктори                                                               |
| 13. | Х.Раджапов    | – | Бизнес ҳуқуқи кафедраси мудири, юридик фанлари бўйича фалсафа доктори (PhD)                                            |
| 14. | Д.Хабибуллаев | – | Фуқаролик процессуал ва иқтисодий процессуал ҳуқуқи кафедраси мудири, юридик фанлар номзоди                            |
| 15. | Г.Узакова     | – | Экология ва аграр ҳуқуқи кафедраси мудири, юридик фанлар номзоди                                                       |
| 16. | Ш.Исмоилов    | – | Меҳнат ҳуқуқи кафедраси мудири, юридик фанлар доктори                                                                  |
| 17. | Ш.Хўжаев      | – | Интеллектуал мулк кафедраси мудири, юридик фанлари бўйича фалсафа доктори (PhD)                                        |
| 18. | Х.Очилов      | – | Жиноят ҳуқуқи, криминология ва коррупцияга қарши курашиш кафедраси мудири, юридик фанлари бўйича фалсафа доктори (PhD) |
| 19. | Д.Базарова    | – | Жиноят-процессуал ҳуқуқи кафедраси мудири, юридик фанлари номзоди                                                      |
| 20. | М.Курбанов    | – | Криминалистика ва суд экспертизаси кафедраси мудири, юридик фанлари бўйича фалсафа доктори (PhD)                       |
| 21. | Д.Камалова    | – | Суд, ҳуқуқни муҳофаза қилувчи органлар ва адвокатура                                                                   |



- кафедраси мудири, юридик фанлари бўйича фалсафа доктори (PhD)
22. Н.Гафурова – Халқаро ҳуқуқ ва инсон ҳуқуқлари кафедраси мудири, юридик фанлари бўйича фалсафа доктори (PhD)
23. О.Нарзиев – Халқаро тижорат ҳуқуқи кафедраси мудири, юридик фанлари бўйича фалсафа доктори (PhD)
24. Г.Носирходжаева – Умумтаълим фанлар кафедраси мудири, фалсафа фанлари номзоди
25. Н.Рамазанов – Ўзбек тили ва адабиёти кафедраси мудири, филология фанлари бўйича фалсафа доктори (PhD)
26. О.Тошматов – Хорижий тиллар кафедраси мудири

Изоҳ: Кенгаш таркибидаги шахслар бошқа ишга ўтганда ушбу лавозимларга янгидан тайинланган шахслар ёхуд тегишли функцияларни бажариш зиммасига юкланган шахслар унинг таркибига киритилади.